



TEMA : POLITEKNIK MERLIMAU MELAKA Perkara : TVET

TAJUK ARTIKEL : TPM AHMAD ZAHID AJAK RAKYAT MERIAHKAN SAMBUTAN HARI TVET NEGARA

SUMBER : BERNAMA - 22 MEI 2026

TPM Ahmad Zahid Ajak Rakyat Meriahkan Sambutan Hari TVET Negara

🕒 22/05/2026 10:12 PM



KUALA LUMPUR, 22 Mei (Bernama) -- Timbalan Perdana Menteri Datuk Seri Dr Ahmad Zahid Hamidi mengajak orang ramai, khususnya golongan belia untuk hadir memeriahkan Sambutan Hari Pendidikan dan Latihan Teknikal dan Vokasional (TVET) Negara 2026 yang akan berlangsung di Dataran Putrajaya pada 5 hingga 7 Jun ini.

Menerusi hantaran di Facebook, beliau berkata sambutan itu bakal menghimpunkan pelbagai bakat kemahiran serta membuka ruang kepada generasi muda untuk mengenali masa depan industri dan kerjaya berasaskan TVET.

Beliau berkata pelbagai aktiviti menarik disediakan sepanjang tiga hari program bermula dari 9 pagi hingga 10 malam seperti pameran teknologi, pertandingan kemahiran, pameran industri dan peluang kerjaya daripada pelbagai sektor.

"Simpan tarikh ini dan ajak keluarga serta rakan-rakan untuk bersama memeriahkan Sambutan Hari TVET Negara 2026," katanya.

-- BERNAMA

BERNAMA menyediakan informasi dan berita terkini yang sahih dan komprehensif yang disebarkan melalui Wires BERNAMA; www.bernama.com; BERNAMA TV di saluran Astro 502, unifi TV 631 dan MYTV 121 dan Radio BERNAMA di frekuensi FM93.9 (Lembah Klang), FM107.5 (Johor Bahru), FM107.9 (Kota Kinabalu) dan FM100.9 (Kuching).